

BBKSASOIKO I. LITERATURA-LEHIAKETARAKO LEGE-OINARRIAK

“DESPERTAR A LA ESCRITURA / IDAZTEN HASI”

1.- HELBURUA

Dokumentu honen bidez, *“Despertar a la Escritura / Idazten Hasi”* BBK SASOIKO I. LITERATURA-LEHIAKETAREN baldintzak eta terminoak jakinarazten dira.

BBK SASOIKO Bilbao Bizkaia Kutxa Fundación Bancaria - Bilbao Bizkaia Kutxa Banku Fundazioak (aurrerantzean, "BBK") sustatutako proiektua da, eta BBK SASOIKO gunea sortu du, lan-etapa amaitzen ari diren baina aktibo jarraitu, gizarteari ekarpenen bat egin eta autorrealizatu gura duten pertsonen parte-hartzea sustatzeko eta horientzat jarduerak eskaintzeko. Azken batean, lan-bizitza amaitu eta gero ere, pertsonen etapa sozialki emankorra luzatu ahal izatea bilatzen du proiektu honek.

Zahartu ahala pertsonen parte-hartze soziala eta belaunaldien arteko harremanak modu berritzailean sustatzeko BBK SASOIKO proiektuaren helburuak dira, besteak beste, Nazio Batuen (NB) Osasunaren Mundu Erakundeak (OME) zahartze aktiboaren arloan 1982an ezarri zituen oinarrien inguruan sensibilizatzea, eta horiek sustatzen eta ezartzen laguntzea.

BBK SASOIKOK, ZAHARTZE AKTIBOAREKIN ETA PARTE-HARTZE SOZIALAREKIN duen konpromisoari erantzunez, BBKSASOIKO I. LITERATURA-LEHIAKETA jarri du abian. Proiektu hau BBKSASOIKOren barruan idazketa sortzaileko taldea, *“Despertar a la Escritura / Idazten Hasi”* izenekoa, osatzen duten pertsonen ekimenetik sortu da.

Lehiaketa honetan parte hartzea doakoa da.

2.- ANTOLATZAILEA

Lehiaketa honen antolatzailea Bilbao Bizkaia Kutxa Fundación Bancaria - Bilbao Bizkaia Kutxa Banku Fundazioa da, Identifikazio Fiskaleko Zenbakia G 48412720 duena, Euskal Autonomia Erkidegoko Fundazioen Erregistroan inskribatua, F-375 erregistro-zenbakiarekin, Laugarren Atalean; eta egoitza soziala hementxe du:

On Diego Lopez Haroko Kale Nagusia, 19-21
48001 Bilbo (Bizkaia)

3.- PARTE HARTZEKO BALDINTZAK

Oro har,

- 1- Bizkaiko Lurralde Historikoan bizilekua duen 55 urtetik gorako edonork parte hartu ahal izango du deialdi honetan. Bi hizkuntza-modalitate ezarri dira: euskara eta gaztelania. Idazlanek, jatorrian, Euskal Autonomia Erkidegoko bi hizkuntza ofizialetako edozeinetan idatzita egon beharko dute. Ez da itzulpenik onartuko, eta egile bakoitzak lan bakarra aurkeztu ahal izango du modalitate bakoitzean.

- 2- Nahitaezko baldintza da kontakizuna originala eta argitaratu bakoa izatea, baita aurretik beste literatura-lehiaketa batzuetan saririk edo accesitik lortu bakoa izatea ere.
- 3- Gaia zahartze aktiboarekin edo belaunaldien arteko harremanekin lotuta egongo da.

4.- PARTE HARTZEKO MEKANISMOA

Proposamenak aurkezteko, parte-hartzaileek <https://www.bbk.eus/es/proyectos/bbk-sasoiko/> webgunean horretarako prestatutako inprimaki edo formularioa bete beharko dute, eskatutako datuak eta informazioa emanez eta honako alderdi hauek kontuan hartuta:

1 - Kontakizunek gutxienez 500 berba eta gehienez 2.500 berba izango dituzte. DIN A-4 formatuko idazkiak aurkeztuko dira, Times New Roman tipografiarekin, 12 puntuko letra-tamainarekin eta 1,5eko lerroartearekin.

2 - Lanak PDF fitxategi batean bidaliko dira, <https://www.bbk.eus/es/proyectos/bbk-sasoiko/> webgunean horretarako prestatutako inprimakia betez, *“Despertar a la Escritura / Idazten Hasi”* BBKSASOIKO I. LITERATURA LEHIAKETA izenburuarekin, eskatutako datuak eta argibideak emanez.

Formularioaren barruan bi fitxategi sartuko dira:

- **Obra fitxategia:** egileak lanaren kontakizuna-izenburua deituko du (adibidez: Kontakizuna-Zurumurruren gerra), eta fitxategiaren barruan lehiaketara aurkeztu den lana sartuko du, aipatutako izenburuarekin eta izengoiti batekin. Ez ditu ezelan ere egileari buruzko datuak erantsiko, ezta dokumentu horretako orri bakar batean ere egiletza ondorioztatzeko moduko datuen aipamen espliziturik ere.

- **Plika fitxategia:** egileak lanaren plika-izenburua deituko du (adibidez: Plika-Zurumurruren gerra), eta, horren barruan, lanaren izenburua, sariketara aurkezteko erabili den izengoitia, egilearen izen-abizenak, NANaren fotokopia, posta-helbidea, helbide elektronikoa eta harremanetarako telefonoa jarriko ditu. Erakundeak bermatzen du emandako datuak isilpean gordeko dituela, Datuak Babesteko Legea betez.

Era berean, batzorde antolatzaileak bermatuko du epaimahaikideek, egileen berri izan barik, epaituko dituztela idazlanak.

Parte hartu ahal izateko, ezinbesteko baldintza izango da Oinarri hauek eta Pribatutasun-klausula onartzea.

5.- AURKEZTEKO EPEAK

Parte-hartzaileek **2021eko maiatzaren 15etik 2021eko uztailaren 15eko 23:59ak** arte aurkeztu ahal izango dituzte beren kontakizunak.

Adierazitako egun eta ordu horren ostean jasotako proposamenak ez dira lehiaketan onartuko.

Era berean, eskatutako gutxieneko edukiak betetzen ez dituzten proposamenak ere ez dira lehiaketan onartuko.

6.- SARIAK

Saria 600 eurokoa izango da modalitate bakoitzean (euskara eta gaztelania), eta banku-transferentzia bidez ordainduko da.

Irabazleek aurrez aurre egon beharko dute sariak banatzeko ekitaldian. COVID-19 dela-eta ezarritako osasun-babes eta segurtasun-neurriengatik ezingo balitz aurrez aurrekoa gauzatu, formatu telematikoan egingo litzateke ekitaldia. Bi kasuetan, data eta prozedurak behar bezala jakinaraziko zaizkio lehiaketaren irabazleari.

Lehiaketaren emaitza <https://www.bbk.eus/es/proyectos/bbk-sasoiko/> webgunearen bidez eta BBK SASOIKO proiektua sustatzeko erabili ohi diren beste bitarteko batzuen bidez jakinaraziko da, baita “Despertar a la Escritura / Idazten Hasi” kolektiboaren blogean ere ([https://despertar-a-la-escritura.blogspot.com /](https://despertar-a-la-escritura.blogspot.com/)).

BBK SASOIKOK ez du ardura edo erantzukizunik izango erakunde eta pertsona irabazleek sariak zabarkeriaz edo legez kanpo erabiltzen badituzte. Sarituek beren gain hartuko dituzte indarrean dagoen Espainiako zerga-legeriak izaera honetako sarietarako ezartzen dituen betebeharrak.

Epaimahaiak deialdi hau hutsik uzteko eskubidea izango du, baldin eta partaidetza-mailak ez baditu betetzen gutxienezko kalitate- eta garapen-baldintzak.

7.- KONTAKIZUNEN BALORAZIOA

Epaimahaia literatura-kaudimen aitortua duten literatura-arloko pertsonak osatuko dute, eta horien nortasuna ez da argitaratuko antolatzaileak egoki irizten ez dion bitartean. Epiaia apelaezina izango da, eta sarietako bat eman barik utzi ahal izango da, beharrezkoa izanez gero.

BBK SASOIKOK eskubidea izango du Lehiaketatik lanak kentzeko, bereziki: (i) Oinarri hauek edozein modutan betetzen ez edo urratzen dituzten gaiak eta ezaugarriak dituztenak; (ii) eduki ez-zilegiak edo fede onaren eta ordena publikoaren aurkakoak dituztenak; (iii) arrazistak, xenofoboak edo giza eskubideen aurkakoak direnak; (iv) BBK SASOIKOren edo hirugarrenen irudiaren eta ospe onaren aurkakoak direnak; (v) BBK SASOIKOri edo hirugarrenei dagozkien jabetza intelektual eta/edo industrial, irudi, ohore edo bestelako eskubideen aurkakoak direnak.

Parte-hartzaileek, sarituak izanez gero, aitorten bat egingo dute, non adostasuna adieraziko duten saritutako obrak erreproduzitzeko, banatzeko eta saltzeko eskubideak talde antolatzaileari lagatzeko. Lagapen hori argitaratzen den egunetik aurrera hiru urterako izango da eskusiboki, eta sariaren beraren zenbatekoaz gain ezelango ordainketa gehigarririk egin barik. Epe hori amaitu ostean, eskubideak berreskuratuko dituzte, baina argitaratzekotan, beti adierazi beharko dute BBKSASOIKO I. LITERATURA LEHIAKETA irabazi dutela.

8.- SARITUEI JAKINARAZTEA

Epaimahaia sarituekin harremanetan jarriko da eta hauek sariak emateko ekitaldira joango direla baieztatuko dute. Saria aldarrikatu eta emateko ekitaldira joatea ezinbesteko baldintza da saritua izateko.

Sarituak ezin badira aurkitu edo gure jakinarazpenari 2021eko irailaren 20a baino lehen erantzuten ez badiote, sariari uko egiten diotela ulertuko da. Kasu horretan, saria beste parte-hartzaile bati ematea edo eman barik uztea erabaki ahal izango du epaimahaia.

9.- DATU PERTSONALAK

Ikus "Pribatutasun Politika" <https://www.bbk.eus/es/proyectos/bbk-sasoiko/> webgunean eta klausula espezifikoaren proposamen-aurkezpenak jasotzeko formularioan.

10.- KONFIDENTZIALTASUNA

BBK-k zuzenean edo zeharka parte-hartzaileen eskura jarritako informazio, dokumentazio, software, prestakuntza-material eta teknika guztiak konfidentzialtasun osoz tratatuko dituzte parte-hartzaileek, eta parte-hartzaileak ezingo die hori hirugarrenei jakinarazi, ezta berak, edo beraren izenean, ustiari ere.

11.- IRUDI- ETA JABETZA-ESKUBIDEAK

Pertsona eta erakunde parte-hartzaileak izango dira bai Lehiaketara aurkeztutako proposamenen eta materialen edukien Jabetza Intelektualaren eta bai horiek argitaratzeko beharrezkoak diren baimenak lortzearen arduradun bakarrak eta esklusiboak, Oinarri hauetan aurreikusitako terminoetan.

Lehiaketara aurkeztutako idazlanak argitaratu eta eskuragarri jarri ahal izango ditu BBK-k edozein formatu eta modalitatean, bai inprimatuta, bai elektronikoki (webgunean, sare sozialetan, etab.), mundu osoan eta edozein hizkuntzatan, bere eskura dituen komunikabide guztien (webgune, sare sozial...) bidez, bai Lehiaketaren beraren esparruan, bai lehiaketatik kanpo. Parte hartze hutsagatik, BBK-k ustiari hori egokien deritzon moduan egiteko baimena du, modu ezeztazinean; eta ondorio horietarako, dagozkion eskubideak lagata dituela ulertuko da, betiere iturria aipatuz.

Parte-hartzaileek bermatuko dute beren ideien jatorria aurrez argitaratu gabea eta berria dela eta beren adimenaren emaitza baino ez dela, borondatez ematen direla eta ez dituztela hirugarrenen eskubideak urratzen, edo, hala badagokio, parte hartzeko beharrezko baimenak dituztela; beraz, ideio hirugarrenen egile-eskubideak urratu edo usurpatu barik egingo dira, jabetza intelektualaren eta/edo industrialaren eskubideei (marka, patente, egile-eskubide eta abarri) dagokienez inolako gatazka barik.

Ondorioz, parte-hartzaileek konpromisoa hartzen dute BBK kalte barik mantentzeko beren proposamenen bidez hirugarrenei eragindako arau-hausteei buruz, eta parte-hartzaileak oso-osorik bere gain hartuko du hirugarren horien alde sor daitekeen edozein kostu, baita legezko ordezkartza-kostuak ere.

BBK-k ideia bat onartzeak edo sari bat emateak ez dakar berekin ideiarenean originaltasunari buruzko inolako onarpen inplizitu edo espliziturik.

Lehiaketa honen antolatetari dagozkion eskubide guztiak BBKrenak dira.

13.- TERMINOAK ETA BALDINTZAK ONARTZEA

Lehiaketan parte hartzeak nahitaz dakar legezko oinarri hauetan adierazitako terminoak eta baldintzak, baita horietaz BBK-k egiten duen interpretazioa ere, oso-osorik eta baldintza barik onartzea.

Parte-hartzaileek epaimahaiaren erabakiak ere onartuko dituzte, Lehiaketaren irabazleen erabakiari dagokionez.

Oinarri hauek dira BBKren eta Lehiaketan parte hartzen dutenen arteko akordio bakarra, eta haien inguruan alderdi horien artean aurretik egindako edozein akordioen ordezkioak dira.

BBK-k eskubidea izango du, edozein arrazoiengatik, lehiaketa deuseztatzeko, atzeratzeko, eteteko eta/edo luzatzeko, baita Oinarri hauek guztiak edo batzuk aldatzeko ere, horregatik erantzun barik, eta horren berri behar legez emango du <https://www.bbk.eus/es/proyectos/bbk-sasoiko/> webgunearen bidez.

Lehiaketaren edukiarekin edo proiektuen aurkezpenarekin lotutako zalantzak argitzeko edo kontsultak egiteko, parte-hartzaileek mezu elektronikoko bat bidal dezakete honako helbide honetara: sasoiko@bbk.eus

Lehiaketari buruzko kexak kontuan hartu ahal izateko, idatziz aurkeztu beharko zaizkio BBKri sasoiko@bbk.eus helbidean, Lehiaketan parte hartzeko azken egunetik hilabete igaro baino lehen.